



partii naleraq

16.Oktober.2017

UKA2017/136

Kalaallit napparsimasut Danmark-imi katsorsartittarnerannut atatillugu ilaquataasup/t ineqartinneqartarnerannut atatillugu, katsorsarneqartussaq Rigshospital-imi napparsimavimmiluunniit allami suliarineqassatillugu ilaquataasup/t unnuiffiginnaasaannik pilersitsisinnaanerata iluaqutissartai aammalu aporfissarisinnaasaasa misissorneqarnissaanik, ilanngullugu pilersitsinerup suut piumasaqaatitariumaagai, soorlu aningaasartuutissat aammalu sulisussanut tunngasut pillugit Naalakkersuisut peqquneqassasut inatsisartut aalajangiiffigisassaattut siunnersuut.

(Inatsisartunut ilaasortaq, Anthon Frederiksen, Partii Naleraq)

Danmark-imi kalaallit napparsimasut, Rigshospital-mut napparsimavimmulluunniit allamut katsorsartikkiartoraangata najugaqarfitsik qimallugu, ilaquataasut najugaqarfimmik tassannga anisiinnarneqartarnerat, pillugu misissorneqarnissaanik, Naalakkersuisut peqquneqassasut inatsisartut aalajangiiffigisassaattut siunnersuut, Anthon Frederiksen-imit qaqqinneqartumut Partii Naleqqamiit qujavugut imatullu oqaaseqarfigissavarput.

Peqqissartut najugaqarallartarfiat københavn-imiitooq paasisat aallaavigalugit attartorneranut Nunatta karsiata ukiumut 6 mio, kr-ninik aningaasartuutigisarsimavaa, taassumalu qaavatigut sulisunut ingerlatsinermullu.

Misissuisoqassappat aamma misissullaqqunarpoq illuut A/S-itut ittut allatulluunniit iliornikkut Nunatta nammineq pigiligassaanik pisisoqarsinnaanersoq attartortuuginnarani, tassami imaassinnaasoq Nunatsinnut akikinnerusoq, ukiunut amerlasuunut siaakkamik aammalu erniakitsunik attartortoqarneratigut immaqa oqinnerusumik ingerlatsisoqarsinnaagaluartooq, taamaattoqarsinnaappat ingerlatsinermi akikillisaataasinnaasut peqqissariarlutik najugaqartunut ilaquataannullu tutsinneqarsinnaassagaluarmata.

Aamma unnuisarfiit /najugaqarfiit ilaat taamatut iluatsinneqarsinnaagaluarpata, init ilaat attartortinnerisigut imminut matussutissinnissaannut tapertaasinnaanersut, inillu ilaat peqqissartunut ilaquataasunullu taamaaliornikkut akerqanngimik najorneqalersinnaanersut misisugassatut ilaatinneqartariaqarput.

Misissuisoqarnissaa aammalu sukumiisumik misissuisoqarnissaannik kaammattuuteqarluta siunnersuut taperserparput.

Taamatut oqaaseqarluta siunnersuut aappassaaniinnginnerani ataatsimiititaliamut susassaqtumut innersuupparput, ataatsimiititaliallu sulilluarnissaanik kissaallugu.

Qujanaq

Henrik Fleischer